

水經注釋

12
13/9
1/6

ル 5
140
2



門凡 5
號 140
卷 2

東京帝國
大學圖書

名
139
16

水經注箋刊誤卷三

汾水

其山重阜修巖

卷六第一葉

箋曰舊本作修層按巖字爲是

蓋稚水濛流耳

卷六第一葉

濛當作蒙易蒙卦象山下出泉曰蒙不從水說文濛微

雨也義異

水出右近溪

卷六第一葉

出下落左字

城又南出二城間

卷六第二葉

上城字衍文

故地理志 卷六第二葉

地理志下落曰字

和熹鄧后之立叔父以為訓積善所致也 卷六第二葉

熹當作熹叔父下落咳字後漢書后紀校正

魏土地記曰 卷六第二葉

魏土地記上脫又南逕秀容城東七字全氏曰以先司

空本校補

東去泚水六十里 卷六第二葉

泚當作汾

水又西逕狼孟縣故城南 卷六第三葉

水上落洛陰二字

舊有介子推祠前有碑 卷六第四葉

名勝志引此文重一祠字

故榆次之梗陽縣也 卷六第四葉

縣漢書地理志分註史記索隱俱作鄉

榆次界有梗陽地 卷六第四葉

地當作城

說文曰馮水出西河中陽縣之西南入河 卷六第四葉

之西當作北沙說文校正

水發原平縣胡甲山 卷六第五葉

箋曰孫按漢地理志太原郡有原平縣按非也原當作源平當作祁侯甲水發源太原之祁縣耳

謂之胡甲領 卷六第五葉

領黃省曾本作嶺古嶺嶺通用

即爾雅所為昭餘所矣 卷六第五葉

為當作謂爾雅祈本作祁古祁祈通用

臨城際水湄 卷六第五葉

臨城二字當倒互

甲水又西合為嬰侯之水 卷六第五葉

甲上落侯字為當作於

恐其神魂賈于地 卷六第六葉

箋曰賈字脫誤當作賈賈檀弓蒙袂輯屨賈賈然來注

云賈賈目不明貌全氏云非也蓋是賈字之誤

又西南逕介休縣故城西 卷六第六葉

又上落汾水二字介休之介當從漢志作界

遠來奔喪朋友服 卷六第七葉

朋友上落持字隸釋校補

或去一丈 卷六第七葉

箋曰御覽引此云或去水一尺孫潛云一丈字不誤

以供祭事

卷六第八葉

事孫潛校改祀

霍求公

卷六第九葉

箋曰求公當作哀公按史記趙世家是霍公求徐廣曰
求一作來蓋字倒互耳

間水

卷六第九葉

箋曰克家云疑作澗水按嘉靖洪洞縣志澗河其源二
出岳陽安吉嶺與金堆里水經注曰澗水東出穀遠縣
西山逕楊縣西流入于汾是也

又西逕故城北

卷六第九葉

故城上落楊縣二字

晉大夫僚公去安之邑也

卷六第九葉

箋曰郡國志云河東郡楊縣有高粱亭晉羊舌大夫叔
向邑也此云僚公去安誠所未詳按顧炎武云左傳昭
公二十八年僚安為楊氏大夫公去二字衍文

晉出公三十年

卷六第十葉

箋曰今竹書作二十年沈炳巽云按竹書是十三年

封恭侯酈介于斯邑也

卷六第十葉

介本表作疥

漢昭帝封度遼將軍范明友為侯國

卷六第十葉

名勝志引註云漢初曹參擊魏王豹走之盡有魏地後封列侯食邑平陽固斯境矣二十五字今補正于此文之上

水側有堯廟前有碑 卷六第十葉

名勝志引此文重一廟字

汾水南與平陽合 卷六第十葉

平陽胡渭校改平水

縣蓋卽陵以名世也 卷六第十一葉

漢書地理志河東郡襄陵縣注應劭曰襄陵左西北師古曰晉襄公之陵因以名縣全氏校本縣上補西北有

晉襄公陵七字名世字誤當作命氏黃省曾本原是氏字

王莽改名曰幹昌也 卷六第十一葉

改黃省曾本作更

天子西絕鉞墜西南至鹽 卷六第十一葉

鹽當作鹽穆天子傳校

又西南入汾 卷六第十一葉

西南下落流字

故東州治 卷六第十一葉

魏書地形志正平郡屬東雍州世祖置太和中罷東下

落雍字

出臨汾縣故城西

卷六第十一葉

出上落水字胡渭校增

故橫溝出焉

卷六第十二葉

橫溝二字當倒互

以賜大夫原氏也

卷六第十二葉

原氏下落黯是為荀叔五字以漢書地理志注應劭引

汲郡古文校增

封莊恬也

卷六第十二葉

史漢表俱作杜恬莊字誤

汾水西逕鄧邱北

卷六第十三葉

何焯云鄧當作鄧顏師古曰鄧與葵同漢舊儀作葵上

宋史鎮王元偃傳上登鄧邱亭是也

從邑發聲

卷六第十三葉

箋曰發當作登按非也當作癸說文校正

卽此處

卷六第十四葉

處下落也字孫潛校增

澮水

澮水東出詳高山

卷六第十四葉

詳高是絳高之誤

其水又西南合黑水嶺 卷六第十五葉

嶺字衍文

西逕榮庭城南 卷六第十五葉

左傳襄公二十三年張武軍于熒庭春秋分記云絳州翼城縣東南八十五里有古熒庭城榮字誤

稱涉河 卷六第十五葉

稱下落起字

水出絳山東至寒泉奮湧 卷六第十五葉

至當作南漢書地理志絳縣應劭曰絳水出西南

十一許丈 卷六第十五葉

當作一十許丈

汾水灌平陽或亦有之絳水澆安邑未識所由也 卷六第十六葉

箋曰澆當作浸按閻若璩曰壬子冬客太原顧甯人向余稱水經注箋為三百年一部書余退而讀之殊有未然如通鑑智伯言今乃知水可亡人國以汾水可以灌安邑絳水可以灌平陽胡身之引酈注曰智伯所謂汾水可以灌安邑或亦有之絳水可以灌平陽未識所由此是宋時所見本如是未經舛譌朱氏何不引梅磻本校正之

對首陽之神 卷六第十六葉

對下落曰字

涑水

其水東大嶺下 卷六第十七葉

東下落逕字方輿紀要引此文增

國汾川 卷六第十七葉

國下落于字名勝志引此文增

武公請城于翼至洞庭乃返者也 卷六第十八葉

箋曰洞一讀作洞庭當作渦又曰今竹書云武公請城于翼至桐而還按朱氏既以桐釋洞字又欲改庭為渦

桐渦水名與曲沃無涉自相乖繆何也漢河東聞喜縣故晉之曲沃秦改為左邑者也武帝紀云將幸緱氏至左邑桐鄉聞南越破以為聞喜縣師古曰左邑河東之縣也桐鄉其鄉名也桐為左邑之鄉即是曲沃之鄉北近都邑翼侯伐曲沃敗曲沃而還自其地桐庭即桐鄉矣城當作成但其事有可疑者據竹書紀年周桓王之元年壬戌十月莊伯以曲沃叛伐翼公子萬救翼荀叔軫追之至于家谷翼侯焚曲沃之禾而還翼侯伐曲沃大捷武公請成于翼至桐而還二年王使虢公伐晉之曲沃晉鄂侯卒曲沃莊伯復攻晉立鄂侯子光是為哀

侯四年曲沃莊伯卒子稱立是爲武公尙一軍武公者
莊伯之子元年搆兵莊伯未死何以書武公請成乎左
傳隱公五年曲沃莊伯以鄭人邠人伐翼王使尹氏武
氏助之翼侯奔隨曲沃叛王秋王命虢公伐曲沃而立
哀侯于翼史記十二諸侯年表同晉世家云周平王使
虢公將兵伐曲沃莊伯平乃桓之誤翼侯者鄂侯也孝
侯之弟與曲沃莊伯相讐殺左傳史記皆無武公請成
之事且太史公取周譜以成年表隸事最密缺而不書
汲冢之文未足信也

在南原上

卷六第十九葉

在上落城字

涑水又西南逕監鹽縣故城

卷六第二十葉

箋曰監疑作鹽按非也史記秦本紀昭襄王十一年齊
韓魏趙宋中山五國共攻秦至鹽氏而還徐廣曰鹽一
作監正義曰括地志云鹽氏故城一名司鹽城在蒲州
安邑縣按掌鹽池之官因稱氏寘字記解州安邑縣下
云司鹽城在縣西二十里蓋漢司鹽都尉治此司卽監
也監鹽官亦見三國志衛覬傳所謂鹽國之大寶宜如
舊置使者監賣是也官居此城故曰監鹽城下文注云
杜預曰後罷尉司分猗氏安邑置縣以守之蓋晉初置

縣旋廢耳朱氏不審改作鹽鹽大繆

城南有鹽池水承鹽水出東南薄山卷六第二十葉

箋曰承字下脫一之字按通鑑註引此文作上承鹽水
水出東南薄山上水字宜移在鹽之下

地理志曰山在安邑縣東卷六第二十葉

漢書地理志安邑縣下云巫咸山在南鹽池在西南東
當作南

巫咸在女丑北卷六第二十葉

山海經作巫咸國落國字

呂宿曰沈沙煮海謂之鹽卷六第二十葉

呂忱作字林呂宿字誤當作呂忱曰宿沙煮海謂之鹽
北鹽鹽澤卷六第二十一葉

壑當作暨

引水裂沃麻卷六第二十一葉

箋曰裂字疑衍全氏云當衍水字

皆降焉秦師卷六第二十二葉

焉當作於篆近致譌

乃謂秦穆公使公子繫來與師言卷六第二十二葉

箋曰宋本無乃謂二字按二字宜存箋說非

京相璠曰春秋土地名卷六第二十二葉

春秋土地名晉京相璠撰曰字當移在土地名之下

鄭伯使燭之武謂秦公曰 卷六第二十二葉

當作秦穆公落穆字

齊師逐鄭太子齒奔城張 卷六第二十三葉

城張當作張城潛夫論河東解縣有東張城西張城

來去者咸援蘿騰窰 卷六第二十三葉

箋曰窰疑作嶽按窰音吟說文山之岑窰也杜甫詩挽

葛上崎窰正是援蘿騰窰之意箋說非

水泉山北流 卷六第二十三葉

泉當作自

文水

有沁水注之縣西南山下 卷六第二十四葉

縣上落水出二字寰宇記校增

水溢平流 卷六第二十四葉

流當作地名勝志校改

水謁泉山之上頂 卷六第二十四葉

箋曰謝兆申云出謁泉山之頂上按上頂字不誤

又東津渠隱沒 卷六第二十四葉

箋曰又一作入按又東之文恆見注中

世謂之西河 卷六第二十四葉

寰宇記汾州西河縣下文文湖一名西河泊落泊字

謂之豬城 卷六第二十四葉

箋曰豬當作瀦按尚書禹貢大野既豬又被孟豬之豬俱不加水漢書地理志經典釋文竝同

西河有中陽縣舊縣也 卷六第二十四葉

上縣字當作城

又東逕中陽故城南 卷六第二十五葉

中陽下落縣字

原公水

魏黃初二年 卷六第二十五葉

全氏云西河本漢郡尚在太原之西建安之亂空荒黃初復立注所載碑文可證二年下當有置西河郡四字今補正

洞渦水

又西北黑水西出山三合源舍同歸一川 卷六第二十五葉

箋曰謝云宋本作合三源同歸一川無舍字按名勝志引此文作黑水出西山三源合舍箋說非

東流南屈受陽縣故城東 卷六第二十五葉
南屈下落逕字孫潛校增

榆次縣故塗水鄉 卷六第二十六葉

塗水漢志分註作涂水

剗腹絕腸折頭措頤處也 卷六第二十六葉

元和郡縣志引此作折頭摺頤寰宇記引此文作折頤

摺頤今從樂氏

蘿磬亭 卷六第二十六葉

箋曰謝云一本作蘿磬亭按寰宇記云蘿磬亭俗名落莫城磬字是也

晉水

出晉水下口者也 卷六第二十七葉

七字是注混作經

晉水出晉陽縣西懸壅山 卷六第二十七葉

箋曰縣舊本作懸孫云壅山海經作雍注云音甕按縣古懸字壅當作甕从缶不从土方輿紀要云懸甕山腹有巨石如甕亦曰汲甕山蓋取象斯形壅是壅塞之義為誤無疑

一水結緇山 卷六第二十七葉

箋曰宋本一下有云字按水字亦誤當作出

昔智伯之邊晉以水灌晉陽 卷六第二十七葉

箋曰以水當作水以按之字衍文

水經注卷六
水側有涼堂

卷六第二十七葉

箋曰御覽作涼臺按今御覽引此文是堂字

汾水分爲二流

卷六第二十八葉

箋曰汾水舊本作湖水按非也寰宇記引此文云沼水分爲二派沼水卽上文智伯遏晉水以灌晉陽蓄以爲沼之水其水流入汾後漢書安帝紀元初三年春正月甲戌修理太原舊溝渠溉灌官私田章懷註引酈元水經曰昔智伯遏晉水以灌晉陽後人踵其遺跡蓄以爲沼分爲二派北瀆卽智氏故渠也其瀆乘高東北入晉陽城以周漑灌東南出城注於汾水今所修渠卽謂此

與寰宇記所引正同箋云舊本作湖水蓋誤耳

郡椽

卷六第二十八葉

椽當作椽

湛水

湛水出枳縣南源

卷六第二十八葉

枳縣當作軹縣南源當作南原

俗謂之湛水也是蓋聲盡鄰

卷六第二十八葉

全氏云湛水字誤先司空校本作須水旁註云須讀作頌通鑑隋漢王諒遣其將屯河陽與史詳戰于須水是也盡當作畫

其水自谿之南流 卷六第二十八葉

之當作又

又東過皮縣之北 卷六第二十八葉

漢書地理志河內郡有波縣皮字誤

源經所注 卷六第二十九葉

源當作原

斯乃汨川之所由 卷六第二十九葉

箋曰舊本作汨川按汨川是淚川之誤譌而為汨又缺

筆作汨

隰城在東言此非矣 卷六第二十九葉

此當作北

濟水

郭景純云聯沈聲相近即沈水也 卷七第一葉

山海經註云沈則濟也則當作即今本誤

東源出原城城東北 卷七第一葉

城字重文宜衍

杜預曰沈水縣西北有原城者是 卷七第一葉

沈水縣是沁水縣之誤以隱十一年傳註校也是當作

是也

而源出原城西東沈水注之 卷七第一葉

而當作西東沈水當作東流水

濟水又東南逕郟城北 卷七第二葉

郟說文作郟亦作絺郡國志河內郡波縣有絺城劉昭補註曰左傳曰王與鄭絺杜預曰在野王縣西南胡渭曰今河內縣西南有絺城

又東北逕波縣故城北漢高帝封公上不害為侯國 卷七第二葉

箋曰孫云波縣當作汲縣按史記年表高帝十一年封公上不害為汲侯索隱曰汲縣名屬河內按非也波汲竝縣名俱屬河內郡今本史表作汲侯索隱曰漢表作

汲此必古本原是波字故小司馬以汲字證之正馬班異同處不然史表既是汲侯矣又證以漢表之汲侯義可通乎道元所見故宜無誤孫汝澄改波從汲殆未之察耳

天漿水澗水注之 卷七第二葉

上水字衍文

在畢上 卷七第三葉

在上落城字畢當作畢與畢同

今河內軹西有地名向今無 卷七第三葉

地當作城

俗謂之治城亦曰治水 卷七第三葉

兩治字俱當作治亦曰上落水字

水出南源下 卷七第三葉

源當作原

述征記曰濟河內溫縣 卷七第四葉

濟下落出字

過墳城西 卷七第四葉

墳城當作隕城郡國志河內郡修武有隕城劉昭補註

曰左傳隱十一年以隕與鄭

東南逕陽鄉城北又東南流逕陽鄉城北又東南逕李城

西 卷七第四葉

下逕陽鄉城北又東南八字重文宜衍

不至此 卷七第四葉

此下落也字孫潛校增

去襄國一百餘里 卷七第四葉

一字衍文孫潛校

梁惠成王二年 卷七第五葉

竹書紀年是三年

碭郡長項伯 卷七第五葉

史表是項佗

又東至北礫磧南 卷七第五葉

至北二字當倒互礫磧只一處不分南北胡渭亦為此
文所誤而強名之宜其獻笑後來也說見後

東出過滎陽北 卷七第五葉

全氏云滎陽是滎澤之誤注云濟水又東逕滎澤北所
以釋此條之經也

孔安國曰滎波水以成瀆闕駟曰滎波嶧澤名也 卷七第
五葉

書傳云滎澤波水以成邊豬今補正下滎波之波衍文

箋曰玉海二十一卷 至黃場石 卷七第六葉

玉海所引酈注本是二條自浚儀縣竹書紀年至汴東
注河南流係二十二卷渠水注汴河原作汴沙河南流
原作沙南流謂沙水也緣彼卷有錯簡故其文不屬朱
氏因浚儀渠而載之於此可稱極繆建甯四年以下現
載本篇乃更詳錄無遺疎鹵之愆抑又甚矣

周城三百步 卷七第六葉

周城二字當倒互

水南帶三山即皇室山 卷七第六葉

箋曰一作三皇山按三下脫皇字三皇山即皇室山朱
氏不注于三山之下而注于皇室山之下斯為繆矣

水經注卷之七
濟水又東逕西廣武城北

卷七第六葉

十字是注混作經

濟水又東逕東廣武城北

卷七第六葉

十字是注混作經

濟水又東逕敖山北

卷七第七葉

八字是注混作經

濟水又東合滎澤

卷七第七葉

七字是注混作經滎澤玉海引此文作滎瀆下云瀆首

受河水有石門謂之爲滎口石門也

瀆水受河水

卷七第七葉

瀆水之水胡渭校改首

滎播所道

卷七第七葉

箋曰孫云書作滎波按孫汝澄之言蓋不知馬鄭王本

波皆作播亦不記夏本紀滎播既都之文而爲此辭也

未詳詔書

卷七第七葉

箋曰玉海二十一卷內引此文無未詳二字疑衍按隸

釋載此文有未詳二字蓋誤文也當作辛未詳字之半

似辛其文又互易蓋詔書以辛未日下去丁丑才四十

五日即在陽嘉三年二月之明月故不再書年月也下

文歲在甲子被癸丑詔書及澠水注幽冀二州郡縣分

水經注卷之七
境立石標界亦云戊子詔書事在熹平四年是其切證
戊子今本水經注譌作代子據隸釋校改此未詳二字
盤洲既不能發明斯義厚齋竟節去之無惑乎朱氏以
爲疑衍也

府鄉規基經始

卷七第七葉

府鄉當作府卿謂少府卿也漢都水舊屬少府

山陽東昏

卷七第八葉

日知錄曰漢陳畱郡有東昏後漢志註云陳畱志曰故
戶牖鄉有陳平祠山陽郡有東昏後漢志春秋時曰緡
註云左傳僖公二十三年齊侯伐宋圍緡前書師古曰

緡音旻左傳緡宋邑高平昌邑縣東南有東緡城史記
絳侯周勃世家攻爰戚東緡以往索隱曰山陽有東緡
縣屬陳畱者音昏屬山陽者音旻括地志云東緡故城
在兗州金鄉縣界水經注引王誨碑辭曰河隄謁者山
陽東昏司馬登是以緡爲昏誤矣酸棗令劉熊碑陰故
守東昏長蘇勝則陳畱之東昏也

東萊典城

卷七第八葉

漢書地理志東萊郡曲成縣典城字誤

河內太守守城向豹

卷七第八葉

隸釋作宋城向豹今校正

水經注卷之七
滎濱又東南流注于浦 卷七第八葉

浦當作沛

次東得宿須水口 卷七第八葉

須當作胥下同

渠側有扈城 卷七第八葉

扈城下落亭字

合則南濱通津 卷七第九葉

合當作今孫潛校改

昔卞 卷七第九葉

昔當作音孫潛校改

濟水又東逕滎陽縣北 卷七第九葉

九字是注混作經

濟水又東南礫石溪水注之 卷七第九葉

十一字是注混作經石字衍文溪當作礫胡渭禹貢錐指以上文說本經文又東至北礫礫為北礫礫而不知至北二字之倒互也以此條濟水又東為句南礫礫注之為南礫礫注之而不知此條之非經也其言曰蔡傳曰周定王五年河徙矸礫不知在何處按溝洫志賈讓治河奏有滎陽漕渠如瀘曰今礫礫口是也師古曰礫谿谿名即水經所云沛水東過礫礫者阿誰讀誤本漢

水經注卷之十三
書以今爲令又加石作砢殊足使人噴飯卽以礪礪言
之水經濟水東至北礪礪南東出過滎陽縣北又東
南礪礪水注之礪谿口卽南礪礪水入濟處也古之決
口皆在大伾之東金元時所決漸西至明天順中河自
武陟徙入原武而獲嘉之流遂絕變斯極矣滎陽今爲
滎澤縣與獲嘉相對周時河徙甯遠在此卽唯漢平帝
之世河侵汴濟謂徙從礪礪口則可然亦無砢礪之名
也此說當必有所本頃閱王伯厚河渠考引程氏曰周
時河徙砢礪至漢又改頓邱東南流程氏疑卽大昌及
檢禹貢論其第十一篇有云周定王五年河徙故瀆漢

元光三年河水徙從頓邱東南流入勃海卻無砢礪字
又圖說葭蕩渠口辨引如瀆註亦作今礪礪口不作砢
礪則二字明係杜撰絕無根據誕妄乖繆莫此爲甚而
學者宗之以王伯厚之淹博亦不能正其失而且累及
程氏地理之學談何容易東樵之口可謂辯矣然礪礪
只一水別無南北之分旣強讀又東爲句以是爲南礪
礪矣顧何以又云北礪礪未詳蓋在河南濟北其水西
注於河者耶苟不知所在亦不當強爲立名以疑誤後
學也傳澤洪行水金鑑云北礪礪蓋在河南濟北其水
西注于河者又云經所謂礪礪可知上有北礪礪
故此爲南礪礪是蓋
襲用錐指而繆者全氏云蔡九峯雖誤以今爲砢然

猶祇是一礫礫東樵乃分爲南北二礫礫其繆又甚於
九峯

濟水又東索水注之 卷七第九葉

八字是注混作經

與東關分水即古旃水也 卷七第九葉

寰宇記引此文作與東關水同源分流即古旃然水也
今補正

鄭子皮勞叔向於索水 卷七第十葉

索水當作索氏左傳校

故馬淵郡國志曰 卷七第十葉

故字衍文馬淵是司馬彪之誤

俗謂之平眺城 卷七第十葉

平黃省曾本作乎魏晉孝文帝紀作平眺城

一名嚳啁 卷七第十一葉

嚳當作啍啍音豪若嚳音繹非其義矣

得免楚 卷七第十一葉

楚下落圍字

王莽立爲新隊 卷七第十一葉

新當作祈漢書王莽傳校

割河南郡鞏自闕以東 卷七第十一葉

郡下落縣字羣自二字當倒互謂羣縣及伊闕也

南鄉築陽城

卷七第十一葉

晉書地理志筑陽縣屬順陽郡故魏武之南鄉郡也太康中改今名築字誤城字衍文

李勝字公照為郡守顧原武典農校尉

卷七第十一葉

三國志魏書曹爽傳注李勝字公昭字誤也顧當作故

故云吸受旃然矣

卷七第十二葉

汲水注云陰溝即蕩蕩渠也亦言汲受旃然水又云河濟水亂汲承旃然吸是汲字之誤

濟水又東逕滎陽澤北

卷七第十二葉

通鑑地理通釋校衍陽字

故滎水所都也

卷七第十二葉

箋曰都疑作瀦按古都豬字通用史記夏本紀大野既豬作既都孟豬作明都是也

恒雍

卷七第十二葉

箋曰恆當作衡按春秋時衡雍後改垣雍史記秦昭王四十八年韓獻垣雍以和戰國策魏王曰秦許我以垣雍魏公子無忌謂秦有鄭地得垣雍是也恒垣字近致譌

然水既斷 卷七第十三葉

然上落旃字

有故隴城 卷七第十三葉

當作垂隴城落垂字

澤際又有沙城 卷七第十三葉

澤當作瀆

王會鄭釐侯于巫沙者 卷七第十三葉

者下落也字

史記秦昭王四十二年魏冉攻魏走芒卯 卷七第十三葉

四當作三事在穰侯傳

入北宅 卷七第十三葉

箋曰竹書宅作它按係俗本誤字朱氏引之非

竹書紀年曰惠王十三年王及鄭釐侯盟于巫沙 卷七第十三葉

箋曰今竹書巫沙之盟是顯王十一年事按竹書惠王是梁惠成王周顯王十一年正梁惠成王十三年朱氏因刻本失去成字遂以周顯王證之非矣

黃水發源京縣黃淮止 卷七第十三葉

箋曰止一作山宋本作上按寰宇記此文作黃堆山方輿紀要云嵩渚山一名小陘山水經注以為黃堆山

也全氏曰亦即黃雀山淮止二字誤也

狀若巨鼎湯湯

卷七第十三葉

御覽引此文作巨鼎揚湯上湯字誤

屬縣也

卷七第十四葉

漢書地理志河南郡故市縣此文屬縣也上當補河南之三字

甲辰

卷七第十四葉

穆天子傳是甲寅

濟水又東南流入陽武縣

卷七第十四葉

陽武縣下名勝志引此文有北字

濟水又東北流南濟也逕陽武縣故城南

卷七第十四葉

十六字是注混作經南濟當作北濟濟至定陶斯有南稱

東二里

卷七第十五葉

名勝志引此文作東西二里落西字

名為白溝

卷七第十五葉

當作白馬溝落馬字

天子里圃田之路

卷七第十五葉

箋曰圃一作甫按甫田即圃田朱氏釋之實為辭費

郭注云

卷七第十五葉

云字衍文

余謂穆王里鄭圃而郭以趙之房邑為疆卷七第十五葉

箋曰而當作田按周禮職方豫州藪曰圃田然亦可單

稱圃詩曰東有甫草傳曰鄭之有原圃猶秦之有具圃

史記魏公子無忌曰秦七攻魏五入圃中邊城盡拔劉

伯莊曰圃讀作圃即圃田澤也朱氏改而為田非

濟水又東逕封邱縣南卷七第十五葉

九字是注混作經

縣有黃亭說濟卷七第十五葉

箋曰孫云疑作臨溝按春秋哀公十三年公會晉侯及

吳子于黃池杜預曰陳畱封邱縣南有黃亭近濟水說

濟當是俛濟之誤

濟水又東逕東昏縣故城北卷七第十五葉

十一字是注混作經

武陽縣之戶牖鄉矣卷七第十五葉

武陽當作陽武

濟水又東逕濟陽縣故城南卷七第十五葉

十一字是注混作經

北濟也卷七第十六葉

三字是注混作經

濟水又東逕原武縣故城南 卷七第十六葉

十一字是注混作經濟水當作濟瀆所謂北則濟瀆是也

天子飲于洧上 卷七第十六葉

箋曰洧一作涌按洧字不誤

又東絕長城築也 卷七第十六葉

長城下落鄭字全氏校增

竹書云是梁惠王十五年築也 卷七第十六葉

惠下落成字

濟瀆又東逕酸棗縣之烏巢澤北 卷七第十六葉

十三字是注混作經北字衍

澤有故亭 卷七第十六葉

澤下落北字故下落市字三國志魏書武帝紀註云袁氏輜重有萬餘乘在故市烏巢屯是也故市前漢為縣

後漢省

破袁紹軍處也 卷七第十六葉

軍當作運

北濟也 卷七第十七葉

三字是注混作經

皆臨側 卷七第十七葉

水經注卷十七

臨側下落濟水二字孫潛校增

濟水者又東過濟陽縣北濟也卷七第十七葉

濟水者三字衍文濟陽縣下落北字北濟也三字是注

混作經

漢景帝中元六年卷七第十七葉

元字衍文

今陳濟陽縣是也卷七第十七葉

陳下落畱字

南濟也卷七第十七葉

三字是注混作經

濟瀆自濟陽縣故城南卷七第十七葉

瀆當作水

濟水又東北荷水東出焉卷七第十七葉

十字是注混作經

濟水又東逕秦相魏冉冢卷七第十八葉

箋曰宋本冢下有一南字按十字是注混作經

濟水又東北逕定陶恭王陵南卷七第十八葉

十二字是注混作經

瀆南魏郡治也卷七第十八葉

瀆南當作墳南即丁姬墳也

水經注卷十七

完

濟水又東北逕定陶縣故城南 卷七第十八葉

十二字是注混作經

側城東注也 卷七第十八葉

箋曰也字似譌疑當作此按也字不誤作此非

南濟也 卷七第十九葉

三字是注混作經

又東北右合河水 卷七第十九葉

河當作蒍御覽寰宇記引此文校正下竝同

水瀆上承濟水 卷七第十九葉

水瀆二字當倒互

汜水名 卷七第十九葉

汜水下落之字

濟水自是北東流出巨澤 卷八第一葉

北東當作東北胡渭校改

其一水 至鉅野澤 卷八第一葉

十八字是經混作注下文注云亦經所謂濟水自乘氏

縣兩分東北入于鉅野蓋指此也

南為荷水北為濟瀆 卷八第一葉

八字是注混作經

逕乘氏縣與濟渠濮溝合 卷八第一葉

箋曰克家云濮溝當作濮渠按濟渠二字衍十字是經混作注逕當作過

北濟又東北逕冤胸縣故城北 卷八第一葉

十二字是注混作經

又東北與濮水 卷八第一葉

箋曰謝兆申云濮水下疑有合或會字按會字是也六字是注混作經

故班固云大堙酸棗也 卷八第二葉

漢書敘傳云文堙棗野大字誤

或以姓名 卷八第二葉

箋曰古本作或以合名吳本改作姓名玉海十五卷內引此文亦作合名按當作令名如聞喜獲嘉之類

故豫章以樹氏都 卷八第二葉

寰宇記開封府酸棗縣下引風俗通云豫章以樹氏郡困學紀聞引此文云豫章以木氏郡何焯曰都字乃傳寫之誤樹爲木則宋人避諱也

遂披面而死 卷八第二葉

戰國韓策史記刺客傳竝作皮面索隱曰皮面謂以刀刺其面皮欲令人不識披字誤

濮渠又東北逕燕城內 卷八第三葉

內當作南

卽戰國策所謂酸棗桃虛也 卷八第三葉

箋曰古本作虛桃者按者也二字宜竝存若截去也字

豈足成文乎

或亦謂之濮苑亭 卷八第三葉

濮苑當作宛濮

春秋甯武子與衛人盟于苑濮 卷八第三葉

苑左傳作宛下同

杜預曰長垣而南近濮水也 卷八第二葉

而左傳註作西

似非關苑 卷八第三葉

苑當作宛

澤北壇陵亭 卷八第四葉

澤北下落有字

子路出于蒲者也 卷八第四葉

出下落迎字

封元舅來俊爲侯國 卷八第四葉

箋曰來一作宋按宋字是也漢安帝祖母爲宋貴人漢書章帝八王傳云清和王慶母宋貴人父揚安帝追謚當陽穆侯四子皆爲列侯食邑各五千戶俊乃四列侯

之一

濮水東逕濮陽縣故城南 卷八第五葉

濮水下落又字

卽葭密 卷八第六葉

卽寰宇記引此文作取

濟陰乘氏縣有鹿乘鄉 卷八第六葉

鹿乘郡國志作鹿城

濮水又東與句瀆首受濮水枝渠 卷八第六葉

句瀆下落會字

濟水故瀆又北右合洪水 卷八第六葉

十字是注混作經通鑑註校

上承鉅野薛訓渚歷澤西北渚 卷八第六葉

上承上落水字下渚字衍文

又北濟瀆合 卷八第六葉

又北下落與字孫潛校增

北流濟 卷八第七葉

北流下落入字孫潛校增

或謂清則濟也 卷八第七葉

則當作卽

巨澤北則清水 卷八第七葉

清水當作清口胡渭校

濟水又北逕須朐城西 卷八第七葉

九字是注混作經

故須國 卷八第七葉

故須下落朐字

子魚曰 卷八第七葉

箋曰三字宜刪按非也三字是道元誤引非衍文

濟水又逕微鄉東 卷八第八葉

七字是注混作經又下落北字

漢高帝十一年趙衍為侯國 卷八第八葉

趙衍上落封字

濟水又北逕漁山東左合馬頰水 卷八第八葉

箋曰克家云漁山作魚山者是按十三字是注混作經

濟北東阿縣東南有桃 卷八第八葉

左傳注云有桃城落城字

又東北流逕山南 卷八第八葉

山南上落魚字胡渭校補

山上有抑舒城 卷八第九葉

抑舒當作柳舒路史國名紀以為即春秋傳之畱舒也

杜預曰畱舒齊地畱柳聲相近其說非也魏書地形志

濟北郡盧縣有柳舒城按寰宇記陳州西華縣下云柳城本名媯城魏鄧艾營稻陂時柳舒為陂長後人因目為柳城此城疑亦是其所築

葬山西西去東阿水四十里 卷八第九葉

箋曰宋本無西字按二西字俱不宜衍水當作城

其水又東注于清濟 卷八第九葉

清字衍文

濟水自魚山北逕清亭東 卷八第九葉

十字是注混作經

是濟水通得清之目焉 卷八第九葉

是下落下字

吾聞齊有清濟濟河以為固 卷八第九葉

濟河當作濁河戰國策校改

穀有黃山臺 卷八第九葉

穀當作縣

出東南大檻山狼溪西狼溪西 卷八第九葉

狼溪西三字重文宜衍

濟水又北逕周首亭西 卷八第十葉

九字是注混作經

濟水又北逕平陰城西 卷八第十葉

九字是注混作經

今巫山之上有石室 卷八第十一葉

石室下名勝志引此文有耆老言郭巨葬母處八字今校補

濟水右迤過為涓湖 卷八第十一葉

過字衍文

濟水又東北至垣苗城西 卷八第十一葉

十字是注混作經至胡渭校改選

宋武帝西征長安令桓遵鎮此故俗人有垣苗之稱 卷八第十一葉

桓遵人姓名當從土作垣宋書垣護之傳云伯父遵父苗高祖圍廣固遵苗踰城歸降竝以為太尉行參軍二人皆從武帝西征故城鎮遂畱其名也

河水自泗瀆口東北流而為蒲 卷八第十一葉

泗瀆口當作泗瀆口見河水注蒲是清之誤河水篇云河水東分濟亦曰沛水受河也然滎口水斷石門不通始自是出東北流逕九里與清水合故沛瀆也自河入濟自沛入淮自淮達江水徑周通故有四瀆之名也彼文譌沛作浦此又譌清作蒲也

濟水又逕盧縣故城北 卷八第十二葉

九字是注混作經

濟水又東北與中川水合

卷八第十二葉

十字是注混作經

西北流東逕太原郡南

卷八第十二葉

箋曰孫云太原劉宋僑郡按東逕二字當倒互黃省會本校正方輿紀要云劉宋元嘉十年割濟南泰山郡立太原郡泰始三年為後魏慕容白曜所陷魏收地形志云太原郡劉義隆置魏因之是也時又謂之東太原郡

與漢賓谷水合

卷八第十二葉

漢賓谷水方輿紀要作賓溪谷水今校改下同

與中川合

卷八第十二葉

中川下落水字

濟水又東北右會玉水

卷八第十二葉

九字是注混作經

導源太山朗公谷谷舊名琨瑞溪

卷八第十二葉

導源上落水字下谷字重文宜衍

連樓疊閣

卷八第十三葉

疊全祖望校改纍

漢高帝十一年封高色為侯國

卷八第十三葉

高色史表作高邑

濟水又東北灤水出焉

卷八第十三葉

九字是注混作經

灤水出歷縣故城西

卷八第十三葉

漢書地理志濟南郡有歷城縣落城字

俗謂之為娥姜水也

卷八第十三葉

箋曰娥姜一作娥英按魏書地形志濟南郡歷城縣有

娥姜祠路史云祝阿故縣又有灤水俗呼姜水源有娥

英之廟姜字不誤

極水木明瑟

卷八第十三葉

箋曰極下脫一字或是極望按依文自足無煩增補

與灤水會自水枝津合

卷八第十四葉

會自水三字衍文

濟水又東北華不注山

卷八第十四葉

箋曰脫一逕字按九字是注混作經

故京相璠曰春秋土地名也

卷八第十四葉

曰字衍文也字誤當作曰

西北流至平陸城

卷八第十五葉

漢書地理志濟南郡有東平陵縣續志屬濟南國陸字

誤當作陵

俗謂之有城也

卷八第十五葉

水經注卷八
齊乘云東平陵城在濟南東七十五里春秋譚國齊滅之古城在西南龍山相對有當作古

濟南治也

卷八第十五葉

濟南下落郡字

王莽更名樂安郡

卷八第十五葉

郡字衍文

而出注巨合水

卷八第十五葉

而當作西

濟水又東北合芹溝水

卷八第十五葉

九字是注混作經

濟水東逕

至

罷軍爲侯國

卷八第十六葉

東逕下落管字史漢表皆作管共侯罷軍誤也管城縣自漢迄隋皆爲中牟縣地開皇十六年始立管城縣是以班志僅于中牟縣註云筦叔邑續志亦于中牟下云有管城而已罷軍王子必有封邑故非鄉亭可知且屬齊地管字爲是齊乘云管城在章邱臨濟鎮北記引晉太康志以管叔之後封于此齊滅管故其子孫仕齊按書稱致辟管叔古史謂管叔鮮罪大無後管夷吾出自周穆王至夷吾始顯豈管叔之後耶鄭州管城乃管叔所封魯有管邑大夫采地惟齊無管城此卽漢之管縣

而傳寫致誤于氏之言切而當矣

水出土穀縣故城西 卷八第十六葉

土穀漢書地理志作土鼓方輿紀要云土鼓城或譌為

土穀城水經注云云此蓋世本之繆何足據也

其水西北流逕楊邱縣故城中 卷八第十六葉

楊邱漢書地理志作陽邱下同

又有楊渚溝水逕於陵故城西南西北 卷八第十六葉

寰宇記引此文作出逢陵故城西南二十里於陵漢縣

後魏改曰逢陵魏書地形志濟南郡逢陵縣有於陵城

道元蓋從其新制書之後人據班志改曰於陵非矣西

北字是二十里之譌

隴水 卷八第十六葉

箋曰孫云當作瀧水瀧有籠雙二音按隴水字不誤魏

書地形志東清河郡繹幕縣有隴水寰宇記淄州淄川

縣有籠水古名孝水引輿地志云齊孝婦顏文姜緝籠

蓋泉則知籠水古名後更為隴耳若作瀧水則是嶺表

之昌樂瀧矣孫汝澄之說非也又按方輿紀要孝婦河

在鄒平縣東引輿地志云戰國時齊人顏文妻事姑孝

常遠汲以供姑嗜一旦甘泉湧于室內常以績籠蓋之

籠發而泉湧因名籠水集異記作顏文姜誤寰宇記文

亦有訛脫

萌水出西南甲山

卷八第十六葉

箋曰孫云甲山當作萌山按方輿紀要云明水亦曰萌水出淄川縣西南夾谷山又云夾谷山一名祝其山又謂之甲山其陽即齊魯會盟處萌水出焉濟南府志云甲山在淄川縣西南四十里萌山在縣西北二十五里蓋甲山萌水所出而萌山其經流也孫說非是

抑泉口

卷八第十七葉

抑泉當作柳泉淄川縣志云柳泉在縣北十五里旁植高柳可飲可憩漢書地理志北海郡有柳泉縣即其地

也

有樂安太守治

卷八第十七葉

有當作古孫潛校改

濟水又東北迤為淵渚謂之平州

卷八第十七葉

十三字是注混作經齊乘引此文作平州沉沉是坑之誤今校補

溼沃側有平安縣故城

卷八第十七葉

箋曰溼沃縣名屬千乘郡而平安縣在其次按溼沃當作濕沃縣字全氏校移濕沃之下

有安平亭

卷八第十八葉

安平當作平安

世謂之馬昌城此也 卷八第十八葉

箋曰此也舊本作北也按孫潛校改作非也

濟水又東北逕樂安縣故城南 卷八第十八葉

十二字是注混作經

光是縣人 卷八第十八葉

後漢書任光傳云南陽宛人落宛字

縣在濟城北五十里 卷八第十九葉

濟城當作齊城

入濟琅槐東北者也 卷八第十九葉

入濟山海經作入齊

今所輟流者惟漯水耳 卷八第十九葉

輟當作綴師古註漢書曰綴言不絕也綴流微涓滂注而已輟流則竟絕矣其義非矣

其一水東流者過乘氏縣 卷八第十九葉

乘氏縣下吳瑄本有南字

河水分濟 卷八第十九葉

河水當作荷水胡渭校改

北逕元氏縣故城西 卷八第十九葉

箋曰元氏縣孫云與常山別按此是戎州已氏邑前漢

置己氏縣屬梁國續志屬濟陰郡春秋分記以爲卽戎
伐凡伯于楚邱之地非衛文公所徙之邑元氏是己氏
之誤孫汝澄不察云與常山別蓋不悟元氏之非矣

又東北逕梁山城西 卷八第二十葉

山當作邱

故地理志風俗記曰 卷八第二十葉

志字衍文

孝景中元五年 卷八第二十葉

景帝稱元年又稱中元年二年以至六年改後元年凡
中後字下不得別加元字也此不學人所妄添故前後

有加元字者悉刪去之

此乃河濟也尙書有導河濟之說 卷八第二十葉

兩河濟俱當作荷澤

後漢沈州 卷八第二十一葉

續志兗州山陽郡昌邑刺史治落治字

城內有沈州刺史河東薛棠像碑 卷八第二十一葉

棠隸釋載此文作季下云表勒棠政言紀薛甘棠之政
棠非薛名何焯亦云如此

次西有沈州刺史茂陽楊叔恭碑 卷八第二十一葉

茂陽是茂陵之誤兩漢志右扶風有茂陵縣

從事秦闔

卷八第二十一葉

箋曰闔字似誤當作闔按隸釋載此文作閏

河水逕其故城南

卷八第二十一葉

河當作荷

濟水又東逕漢平狄將軍扶溝侯淮陽朱鮪冢

卷八第二十一葉

十一葉

十八字是注混作經

濟水東逕重鄉城南

卷八第二十二葉

八字是注混作經

水又東逕泥母亭北

卷八第二十二葉

水上落荷字

荷濟別名也

卷八第二十二葉

濟當作澤

側荷梁柱

卷八第二十二葉

荷隸釋載此文作荷

龜龍鳳之文

卷八第二十二葉

龜龍下落麟字隸釋校增劉昭郡國志補註曰北征記

云彭城北六里有山臨泗有宋桓魋石槨皆青石隱起

龜龍麟鳳之象與此相似古人制作多如此也

山陽鉅澤縣

卷八第二十三葉

澤當作野漢書地理志校

水南有金鄉 卷八第二十三葉

下云焦氏山東即金鄉山此落山字

焦氏山北數山 卷八第二十三葉

下山字當作里

有漢司隸校尉魯恭 卷八第二十三葉

魯恭下落冢字金石錄校增

故曰金鄉山 卷八第二十三葉

此鄉字衍文劉昭郡國志補註引晉書地道記曰縣多山所治名金山山北有鑿石為冢深十餘丈隧長三十

丈傍卻入為室三方云得白兔不葬更葬山南鑿而得金故曰金山故冢今在或云漢昌邑所作或云秦時其言與西征記異而是注下亦云有冢謂之秦王陵即所謂秦時冢也

石柱猶存 卷八第二十四葉

隸釋載此文作名件猶存自記云范巨卿碑至今尙在恐名件二字水經誤也宋時寫本誤以石柱為名件以盤洲之淹博猶不敢妄下雌黃如此

黃水又東逕任城郡之亢父縣故城西 卷八第二十四葉

又東下落南字孫潛校增

故沛納于稱矣

卷八第二十四葉

于作兩即上文所謂濟與泗亂是也

水軍反走

卷八第二十五葉

箋曰水軍一作永等即劉永也按當作永軍軍字不誤

後與戰

卷八第二十五葉

後當作復

濟水又南逕彭城縣故城東

卷八第二十五葉

十一字是注混作經

縣曰徐調國也

卷八第二十五葉

漢書地理志曰徐故國莽曰徐調寰宇記引班志云故

徐國也此文徐調下落故徐二字

獨母以為異

卷八第二十六葉

當作孤獨母落孤字

澤洵東南流

卷八第二十六葉

箋曰澤宋本作渾按洵當作濤朱氏失箋

水經注箋刊誤卷三終

海甯錢保塘
華陽吳祖椿覆校

水經注箋刊誤卷四

清水

南流西南屈

卷九第一葉

箋曰御覽引此作南流屈曲按今御覽引此作西南流

屈曲朱氏所引尙失西字

與神心妙達

卷九第一葉

達吳瑄本作遠

歷澗流飛清洞觀

卷九第一葉

箋曰御覽引此作清冷洞觀按流飛御覽作飛流朱氏

失引

亦曰朝陽矣 卷九第一葉

當作南陽

秦昭王越長平 卷九第二葉

越下落趙字漢書地理志註校補

有吳溝水 卷九第二葉

溝當作澤

東則三十里 卷九第二葉

東則當作東西名勝志校改

西則蔡溝入焉 卷九第二葉

蔡溝當作界溝溝下落水字

北水上承河內野王縣東北界溝為長明溝 卷九第二葉

界溝當作光溝此文互見沁水篇

故長明溝水東入石澗 卷九第三葉

故字衍文

為之蔡溝 卷九第三葉

為當作謂

東入吳陂又 卷九第三葉

又當作水

陂澤 卷九第三葉

陂當作際孫潛校改

而東周永豐城 卷九第四葉

城黃省曾本作塢

天井固石 卷九第四葉

石當作右

寺十有餘僧 卷九第五葉

孫潛校本作寺有十餘僧

世謂焦泉也 卷九第五葉

世謂下落之字

穴東 卷九第五葉

穴當作次

即汲水新中鄉也 卷九第六葉

箋曰孫云汲水當作汲郡按非也水當作之漢書地理

志註校改

太公甫生於汲 卷九第七葉

甫隸釋載此文作本

水出西北方上山西倉谷 卷九第七葉

方上山名勝志引此作方山上寰宇記衛州衛縣下引

水經注云方山在衛縣是也元豐九域志衛州汲郡防

禦古跡引水經注云方山西有倉谷落有字

謂之清河 卷九第八葉

河黃省曾本作口

唯流逕絕餘目 卷九第八葉

姜宸英校本唯作匯餘目下落尚存二字

目尚存故東川 卷九第八葉

六字衍文

沁水

沁水即泊水也 卷九第八葉

說文泊灌釜也不云是水名寰宇記云沁水出沁州繇上縣覆甌嶺濁漳水注云有涅水西出覆甌山東流與西湯谿水合水出涅縣西山湯谷又東逕涅氏縣故城

南縣氏涅水也然則沁水與涅水同源合注泊當作涅

厯洛出左右近溪 卷九第八葉

厯洛孫潛校改作沿厯

又南入于澤水 卷九第九葉

當作漢澤水落漢字下同

出鹿臺山 卷九第九葉

出上落水字

即陽阿縣之故城也漢高帝七年封下訴為侯國 卷九第九葉

箋曰璋按謝本作卜訴考史漢表竝無其人唯琴操云

水經注卷十 卞和獻玉于楚王封為陵陽侯辭不受退而作歌按史記高祖功臣侯表陽河齊哀侯以中謁者從入漢以郎中騎從定諸侯侯五百戶功比高胡侯索隱曰陽河縣名屬上黨地理志上黨郡有陽阿縣續志同魏書地形志高都郡領縣二高都陽阿二漢屬上黨晉罷後復屬方輿紀要云陽阿城在高平縣南六十里河字是阿字之誤齊哀侯漢表作齊侯其石齊又是諡而失其姓與是注下訴均為不同下訴當作卞訴河水注云河水又東北逕陽阿縣故城西漢高帝六年封郎中萬訢為侯國雖彼文以上黨之陽阿証平原之阿陽出于舛繆然

載筆之于書可知陽阿為訢封國與馬班可參同異書侯表多脫誤卞萬互差要是傳寫之譌耳朱氏不察紛紛牽引甚無謂也

水歷焦燒山東 卷九第九葉

箋曰焦宋本作焦按寰宇記引此文作嶠嶠東都賦注云嶠嶠高也若从火作焦燒果何義乎

卽開澄也 卷九第十葉

穆天子傳云西絕鉞澄卽禹貢之岍山馬融本作開山澄郭璞註云阪也玉篇云或作澄當從古文作澄

其水東南流逕北卿亭下 卷九第十葉

卿當作鄉孫潛校改

東南逕陽泉水 卷九第十葉

逕黃省曾本作注

南流逕建興郡而 卷九第十葉

而當作西孫潛校改

汾上下 卷九第十葉

箋曰汾宋本作沿按寰宇記引此文作沿流上下落流字

蒙籠拔密奇為翳薈也 卷九第十葉

箋曰拔宋本作茂奇宋本作最按蒙籠當从艸作蒙籠

奇字義通下云青青彌望奇可翫也是其詞例也

沁水南逕石門也謂之沁口 卷九第十葉
也當作世

有沁水左逕沁水城西 卷九第十葉

箋曰左逕舊本作逕在按左逕二字不誤

源出銅堤山 卷九第十葉

堤當作鞮

自然成者 卷九第十葉

者寰宇記引此文作著

沁水又逕沁縣故城北 卷九第十葉

漢書地理志河內郡有沁水縣落水字

南東入沁水 卷九第十一葉

南東二字當倒互

出太行之阜 卷九第十二葉

出上落水字

蓋京氏之所謬耳 卷九第十三葉

所字衍文

皇都遷治 卷九第十三葉

治當作洛魏孝文帝自代遷洛陽魏書地形志懷州天安二年置太和十八年罷

絕水出涑氏縣西北陽谷 卷九第十四葉

陽谷當作楊谷

今仍號曰白起臺 卷九第十四葉

號下御覽引此文有之字

遺壁舊存焉 卷九第十四葉

箋曰克家云疑作猶按舊字不誤

以封將軍衛青為侯 卷九第十四葉

侯下落國字

其東南流注絕水 卷九第十四葉

其下落水字

水導源縣西北元谷

卷九第十四葉

章懷後漢書註曰泫氏縣名屬上黨西有泫谷水故以爲名元當从水作泫後魏改泫氏縣爲元氏然谷名當仍其舊

丹水又逕二石入北

卷九第十五葉

入當作人古人字與人相似

蘋藻冬芹

卷九第十五葉

箋曰冬字疑誤按孫潛云冬蔓冬也字不誤

一水南流于沁也

卷九第十六葉

南流下落注字孫潛校增

自方口東南流

卷九第十七葉

方口當作枋口

枝渠左水焉

卷九第十七葉

水當作出

城殷殷卽是城也

卷九第十七葉

殷字重文宜衍

然殷之爲名久矣

卷九第十七葉

然下落則字

朱溝又東南注于湖湖水又右納沙溝水

卷九第十七葉

朱溝下落水字湖水下又字衍文

起祠堂于平陵平之肥牛亭

卷九第十七葉

下平字衍文

沙溝又東逕隰城北

卷九第十七葉

沙溝下落水字

陂水又值

卷九第十七葉

值當作直又直下落武德縣南至滎陽縣北九字全祖望校補方輿紀要懷慶府武陟縣下云沁河在縣東一里自河內縣流入又南達于河其入河之處名南賈口支流復自縣東北引灌田二千餘頃禹貢錐指曰沙溝即奉溝之下流古濟水由此入河故謂之濟渠沙溝當

在今武陟縣界也今懷慶府河內縣東有武德城又有丹河在府東北二十五里名曰丹口南流三十里入沁河沁水入河之處在武德縣界而為陂水之所直也

淇水

活水注之

卷九第十八葉

活水當作沾水全氏曰漢書地理志上黨郡壺關縣下云沾水東至朝歌入淇此即沾縣所以得名也有沾縣因有沾城魏書地形志樂平縣有沾城是也有沾城因有沾臺晉書誤以沾城為玷城而是注亦譌沾臺為玷臺何超晉書音義從而實之賴有胡梅礪不錯今校正

東北會水

卷九第十八葉

會下落沾字

又厯之羅城北

卷九第十八葉

之全祖望校改三

東北與女臺水會合

卷九第十八葉

會合義復衍會字

會立石堰

卷九第十八葉

會上落水字

晉定公二十八年

卷九第十八葉

二字衍文竹書紀年校

魏徙九原西河出軍諸胡

卷九第十九葉

出軍當作土軍漢書地理志西河郡有土軍縣魏書地

形志有吐京郡即土軍也

太和泉源水

卷九第十九葉

五字中有脫文太和下是言頓邱郡廢置之由泉源水

當連下水有二源

朝歌城西北東南

卷九第十九葉

東南上落一出二字

論撰考識曰

卷九第十九葉

論語撰考識是緯書落語字

九經注箋于諤
戰國時皆屬于趙男女淫縱有紂之遺風後乃屬晉山嶮

卷九第二十葉

箋曰宋本作晉土嶮舊本作晉王嶮璋謂晉字屬上句
若言土嶮不成文理或是山字乃通按朱氏此條可謂
亂道土嶮謂地土嶮岨耳地理志云土陜而嶮文理未
嘗不成也後魏書崔延伯傳云荊州土險蠻左為寇正
與此文土險多寇相証晉字阿誰曾連下讀耶全祖望
曰後乃屬晉四字當移在戰國時皆屬于趙之上不然
三家分晉趙乃在後君云造父之國則又不得云戰國
時也

東流南屈至其城東

卷九第二十葉

至當作逕

更出

卷九第二十葉

更當作東

倦後深隍

卷九第二十葉

箋曰倦後二字譌誤未詳按廣韻港水回旋貌經典釋

文春秋左氏傳音義曰浚深也倦後當作港浚

觀者若思不周賞

卷九第二十葉

箋曰疑作苦思按若字不誤

其水更逕朝歌城北

卷九第二十葉

更當作東

唯王芻編草

卷九第二十一葉

編當作蕭郡國志云共縣淇水出劉昭補註云有綠竹草唐韻蕭竹草名

不異毛興

卷九第二十一葉

箋曰謝云宋本作不異毛注按詩地攷引此文是興字即詩所謂源泉之水也

卷九第二十一葉

源泉詩作泉源

舊淇水南

卷九第二十一葉

南當作口

至淇水口是

卷九第二十一葉

是下落也字

故渠歷楊城北

卷九第二十一葉

楊城當作枋城

東與宛口合

卷九第二十二葉

宛口寰宇記作苑口下苑水苑城竝同全氏曰即博物志之澳水澳苑聲相近

得舊石沮

卷九第二十二葉

沮當作涇與逗同穀水注云又枝流入石逗是也義與石竇通

東入白祠陂 卷九第二十二葉

箋曰宋本作白杞舊本作白祀未詳孰是按方輿紀要云同山在濬縣西南四十五里其麓縣巨四十餘里形若游龍高處如龍脊曰龍脊岡龍脊之左有山曰白祀淇水所逕多溢為陂祀字是也

今更東北注 卷九第二十二葉

今當作令

次于雍榆城者也 卷九第二十二葉

春秋經無城字衍文

白溝又北左合陽水 卷九第二十三葉

陽水當作蕩水亦曰湯水方輿紀要大名府內黃縣下云湯水在府西南自河南湯陰縣流入縣境合洹水入於衛河一名黃雀溝互見蕩水注

縣有黃澤者 卷九第二十三葉

者下落也字

世謂之義陽郭 卷九第二十三葉

後漢書光武帝紀作義陽章懷註云義陽聚名義與義同詳本卷

白溝又北逕高城亭東又洹水從西南來注之 卷九第二十三葉

東又二字當倒互

應劭曰縣故城魏武侯之別都也

卷九第二十三葉

漢志註引應劭語無縣故城三字當移在應劭曰之上

縣故城上又落魏字

清河又東北逕信鄉西

卷九第二十五葉

信鄉下落縣故城三字以河水篇注參校

王莽之河平也

卷九第二十五葉

河平漢書地理志作平河

漢桓帝延和元年

卷九第二十六葉

延和當作建和

清河又東北逕東武城故縣城西

卷九第二十六葉

縣故城卷中恆有故縣二字當倒互

清水北逕廣川縣故城南

卷九第二十七葉

水當作河

縣有長河為流

卷九第二十七葉

縣下落中字以漢志校補

今亭在縣東如此

卷九第二十七葉

箋曰如當作而按如往也之也此當作北如北言自東
往北也古傳如而字通用然非所論於此也

王莽更名之曰治修

卷九第二十七葉

漢書地理志作修治

左與黃漳板津故瀆合

卷九第二十七葉

箋曰板津宋本作枝津按黃漳當作橫漳卽衡漳也朱氏失箋

地理志之臨樂縣故城也

卷九第二十八葉

箋曰之疑作云按之字不誤

又東逕於樂陵郡北

卷九第二十八葉

於字衍文

又東轉逕宛鄉故城南

卷九第二十八葉

方輿紀要順德府任縣有苑鄉城云本漢南樂縣地後

爲閑廡之所謂之苑鄉志云石勒置縣於此又改爲清

苑縣後魏時廢魏書地形志任縣有苑鄉城宛鄉當作

苑鄉下落縣字

溝上承無棣溝

卷九第二十八葉

上溝字當作瀆卽上枝瀆也

河間獻王

卷九第二十八葉

箋曰舊本作靖王按史表是獻王而漢書景十三王傳

河間嗣王亦無諡靖者

王莽之逆河亭

卷九第二十九葉

逆河漢書地理志作迎河莽多忌諱故以逆爲迎也

漢文帝後元年中封孝文后兄子彭祖為侯國 卷九第二十九葉

文帝當作景帝與下竇廣國之封其誤同年字以後文校衍

清河又北逕皮城東左會譚地別瀆謂之合 卷九第二十九葉

箋曰地宋本作池按北逕二字當倒互譚地是滹池之誤謂之合下落口字此文當與濁漳水篇注參校

又東北逕浮陽縣西 卷九第二十九葉
逕當作過

河東北 卷九第二十九葉

河上落清字

東北逕高城縣之宛鄉城北 卷九第二十九葉

高城漢書地理志作高成宛鄉當作宛鄉

又東逕章武縣之故城 卷九第二十九葉

故城下落北字孫潛校增

魏氏土地記曰 卷九第三十葉

氏字衍文

應劭曰浮縣浮水所出 卷九第三十葉

縣當作陽

清河又北逕浮陽故城西

卷九第三十葉

浮陽下落縣字

更封騎將軍平鄉侯劉歆為侯國

卷九第三十葉

驍騎將軍劉歆見後漢書岑彭傳落驍字

又東北溲洳別瀆注焉

卷九第三十葉

溲字誤寫當作溲後竝同

又東北逕窮河邑南

卷九第三十葉

逕當作過

東北至泉周縣北入溲洳水經曰笱簿泉周縣東南與清

河合者目下為清河下邑也

卷九第三十一葉

箋曰曰當作白簿當作溝按曰字不誤目下之下衍文

沽水篇經云又東南至雍奴縣入笱溝又東至泉州縣

與清河合此即酈氏所稱經曰者也本文東北至泉周

縣北入溲洳水句經曰句笱溝下落至字連下讀若依

朱氏所云曰作白不知燕趙之境有白溝亦有笱溝而

無白笱溝其誤審矣

又東泉周泉出焉

卷九第三十一葉

箋曰泉當作縣按孫潛校改作水泉周水即泉州渠魏

書武帝紀鑿渠自呼迤入泝水名平虜渠又從洵河口

鑿入潞河名泉州渠以通海詳見沽水注中朱氏改泉

周縣非是

蕩水

盧林四王起事曰

卷九第三十一葉

隋書經籍志晉四王起事四卷晉廷尉盧綝撰林當作

綝

廣雅稱獄犴也

卷九第三十二葉

稱全氏校改牖

其水道源里山北谷

卷九第三十二葉

里山當作黑山見清水注

淇水又東

卷九第三十二葉

淇水當去水傍作其即長沙溝水也非出隆慮之淇水

東北至內黃澤右入蕩水

卷九第三十二葉

郡國志曰內黃縣有黃澤內黃縣名非澤名澤當作縣

水又逕內黃城南

卷九第三十二葉

水上落其字又下落東字

洹水

縣有黃水

卷九第三十三葉

黃水御覽玉海引隋圖經竝作黃華水下同

黃華谷地崖山高十七里

卷九第三十三葉

箋曰地宋本作北按山隋圖經作上

出林慮川北澤中

卷九第三十三葉

出上落水字川當作山

又東北出山逕鄴縣南

卷九第三十三葉

逕當作過

連逕殷墟北

卷九第三十三葉

連當作東

自奄遷于此遂曰殷

卷九第三十三葉

此遂全氏校改北蒙按竹書紀年盤庚十四年自奄遷于北蒙曰殷史記正義曰括地志云相州安陽縣本盤庚所都即北蒙殷墟南去朝歌城百四十六里是也此

遂字誤

北逕東明觀下

卷九第三十三葉

北下落水字下南水字可證

碧林浦側可遊意矣

卷九第三十四葉

浦側當倒互作側浦意當作鰓

其水際其西

卷九第三十四葉

全氏云其水當加水作淇淇水經云屈從縣東北與洹水合是也

東北逕女亭城北

卷九第三十四葉

東北上落又字

又東逕鷓鴣陂

卷九第三十四葉

鷓鴣陂下名勝志引此文有黃衣水注之五字今校增

縣南角有斥邱

卷九第三十四葉

漢書地理志魏郡斥邱縣應劭曰斥邱在西南落西字

又屈逕其北城

卷九第三十四葉

北城當作城北

石遵自孚城北入斬張豹于安陽是也

卷九第三十四葉

孚城當作李城張豹當作張豺方輿紀要云晉永和五年石虎沒其下張豺擅命虎子遵時出鎮關右至李城舉兵趨鄴晉書載記作季城誤也

左側則溝出焉

卷九第三十四葉

則當作白

濁漳水

發鳩山之漳水焉

卷十第一葉

之漳水焉四字衍文

梁水出南梁山

卷十第一葉

出南二字當倒互

北流至長子縣故城南

卷十第一葉

至當作逕

鄭取屯畱尚子沮

卷十第一葉

箋曰沮一作沮疑作則按非也蓋是涅字之誤

屈從縣東北流注 卷十第二葉

注字衍文

陶水南出南陶北流至長子城東 卷十第二葉

全氏云南陶當作陶鄉魏書地形志長子縣羊頭山下有神農泉北有穀關即神農得嘉穀處有泉北流至陶鄉名陶水合羊頭山水北流入濁漳是也至當作逕

絳水西出穀遠縣東發鳩之谷謂之絳水 卷十第二葉
之字當移在發鳩之上全氏云謂之絳水四字誤文宋槧本是又有一水今校正胡東樵不識因以濫水為絳

水之源六非

故畱子國也 卷十第二葉

子當作吁

故桑欽云絳水屯畱西南 卷十第二葉

箋曰孫云水下當有逕字按漢書地理志注是出字

陳水注之 卷十第二葉

陳當作凍說文校正

水出西發鳩山 卷十第二葉

出西二字當倒互

封景丹尚子為侯國 卷十第二葉

尚子二字當倒互後漢書景丹傳校

入關從水章聲也 卷十第二葉

關當作河章當作東說文校正

漳水逕壺關縣故城西 卷十第二葉

漳水下落又東北三字孫潛校增

與鞮水合 卷十第三葉

當作銅鞮水落銅字

出八持山 卷十第三葉

箋曰八持當作八特按出上落水字

西北好松山 卷十第三葉

西北下落出字

東南注于銅鞮 卷十第三葉

銅鞮下落水字

銅鞮水又東南流逕頃城西 卷十第三葉

箋曰頃一作項按朱氏下文既引後魏地形志長子有

頃城而此又云一作項何無定見也

銅鞮又南逕胡邑西 卷十第三葉

銅鞮下落水字

又東北過屯留縣潞縣北 卷十第三葉

箋曰謝兆申云宋本無屯留縣三字全氏曰謝耳伯所

見是誤本非真宋本也上文注云壺關在屯留東不得先壺關而後屯留則經文以屯留置壺關之後明矣道元所以糾之奈何謂經無此文乎但今本屯留縣下脫去南字耳

鄆固山泉

卷十第四葉

鄆固上落評字全氏校增

鬻水與軍入絹匹水二石

卷十第四葉

箋曰入宋本作人按人古字與入相似然此是入字不是人字十六國春秋亦作入

佗大川

卷十第四葉

佗上落無字何焯校增

縣北對故壁臺

卷十第四葉

臺壁地名在今潞城縣北魏書地形志并州漢晉治晉陽晉末治臺壁是也二字當倒互下竝同

漳水于是左右黃須水

卷十第四葉

左右全氏云當作左合

土離兵害

卷十第四葉

箋曰離宋本作罹按法言羅謂之離易小過飛鳥離之義自通也

有洹水西出覆甌山

卷十第四葉

水經注

卷四

三

洹當作涅

出涅縣西山湯谷 卷十第四葉

出上落水字

東與白雞 卷十第四葉

白雞下落水合二字孫潛校增

又東南與武鄉水會焉水源出武山 卷十第五葉

與字衍文武山當作武鄉山晉書載記云石勒居武鄉

北原山下是也

西南與鞞鞞白壁二水合 卷十第五葉

鞞當作鞞壁當作璧黃省會本校

水流西北出隱室山 卷十第五葉

流當作源

東南注潢水 卷十第五葉

箋曰克家云疑作涅水按非也即上文黃水耳

倉石水入焉 卷十第五葉

石當作谷下同

方乃自津山頂 卷十第五葉

津當作臻

即庚眩墜處也 卷十第五葉

箋曰庚眩未詳或當是爰眩之譌地志所謂爰眩之岸

也按閻若璩云晉書庾袞傳袞字叔袞適林慮山石勒
來攻乃相與登大頭山而田于其下將收穫命子岫與
之下山中塗目眩瞽墜崖而卒殆是即庾袞眩墜處也
朱氏不知妄爲附會亦由未記晉書耳

又注于蒼溪水

卷十第五葉

蒼當作倉即倉谷溪水也

又東過武安縣

卷十第六葉

武安縣下落南字以清漳水經文參校補

漳水于縣東清水自涉縣東南來注流之世謂決入之所
謂交漳口也

卷十第六葉

箋曰謝云宋本漳水下有逕字按漳水於縣東自足成
文不煩添補清水當作清漳水注流當倒互作流注下
謂字當作爲

又東汗水注之

卷十第六葉

箋曰汗宋本作沂按史記項羽本紀羽使蒲將軍日夜
引兵渡三戶軍漳南與秦戰羽悉引兵擊秦軍汗水上
徐廣曰在鄴西索隱曰汗音于郡國志鄴縣有汗城劉
昭補註引水經注證之沂字非也

里中作十二澄

卷十第七葉

御覽引此文里中上有二十字今校補

東出石竇下注之湟水

石竇下落堰字地形志校補湟水當作洄水

屈柱跌瓦

卷十第八葉

箋曰屈柱似是屋柱之譌按屈柱曲柱也與跌瓦字對

今鄴西臺是也

卷十第八葉

當作鄴西三臺落三字

其中曰銅臺

卷十第八葉

箋曰謝云銅下當有雀字按通鑑注引此文無其字宜

衍

石虎更增二丈

卷十第八葉

通鑑註引此文石虎上有其後二字今校補

南則金雀臺

卷十第八葉

金雀當作金虎事見魏書武帝紀李善文選魏都賦註
云銅雀園西有三臺中央銅雀臺高十丈有屋一百一
間亦曰中臺南有金虎臺高八丈有屋一百九間亦曰
南臺北則冰井臺亦高八丈亦曰北臺有屋一百四十
五間上有冰室室有數井藏冰及石墨又有粟窖及鹽
窖其言三臺名義制度詳晰如此溫飛卿有金虎臺詩
云碧草連金虎青苔蔽石麟初學記引陸翽鄴中記作

金獸臺時避虎諱故作獸而劉逵文選註曰南有金鳳臺則誤也劉獻廷廣陽雜記曰方聲遠云考鄴都三臺碑記銅雀已沒水中冰井尙餘其半金鳳上有真武閣乃獨存耳按齊文宣本紀天保九年八月改銅雀曰金鳳金武曰聖應冰井曰崇光則金鳳銅雀一也何以碑記之論若此唐人避諱故以虎爲武

又有粟窖及監 卷十第九葉

箋曰監疑作鹽按李善文選註作鹽窖黃省曾本作鹽窖此落窖字

呪當爲河伯婦 卷十第十葉

箋曰呪字誤史記作云是當爲河伯婦按廣韻呪詛也通作祝書無逸厥口詛祝疏云以言告神謂之祝不當引史記以相難也

溢水入焉 卷十第十葉

溢當作濫濫水見前壺關縣注

鄴師鄴師於平陽者也 卷十第十一葉

鄴師下落敗字寰宇記云臨漳縣有平陽故城孫之騷考定竹書曰今本無之

白渠水水出魏郡武安縣欽口山 卷十第十一葉

水字重文宜衍

又東與拘澗水合 卷十第十一葉

漢書地理志作拘澗水澗字誤下竝同

水導源武始東山白渠 卷十第十一葉

漢書地理志云拘澗水東北至邯鄲入白渠落入字

互相纏靡 卷十第十二葉

靡黃省曾本作糜

言覃漳水橫流也 卷十第十三葉

覃字衍文孔安國傳云漳水橫流入河

漢元帝元康三年置 卷十第十三葉

元帝當作宣帝別見淇水館陶縣注中

又考史記同 卷十第十三葉

箋曰孫云史記二字疑誤按史記當作漢書蓋曲周置

縣與酈商封國班史志傳異文耳

在縣市補履數年 卷十第十三葉

列仙傳作數十年落十字

衡漳又北逕巨橋祗閣西 卷十第十三葉

祗當作祗祗閣即邸閣也祗邸字通

服虔曰巨橋倉名鉅鹿水之大橋也 卷十第十三葉

按史記殷本紀裴駟集解引服虔曰巨橋倉名許慎曰

鉅鹿水之大橋有漕粟也則鉅鹿水之大橋本叔重說

今補此三字

今河內北共山

卷十第十四葉

漢書地理志河內郡共縣下云北山淇水所出清水注云共縣故城即共和故國共山在國北所謂共北山也北共二字當倒互

降讀如城降于齊師之降蓋周時國于地者

卷十第十四葉

城當作邲此春秋之邲國也地上落此字

故改之共耳

卷十第十四葉

之當作云

又今河所從

卷十第十四葉

從當作徙

共縣故本共和之故國

卷十第十四葉

上故字衍文

不惡降而更稱

卷十第十四葉

不下落因字

但是水導源共出北

卷十第十四葉

箋曰出宋本作山按當作共北山

元因欲成降議

卷十第十四葉

議當作義

乃書有過降之 卷十第十五葉

之下落文字

八牧代絕 卷十第十五葉

牧當作枝漢書敘傳云北亡八支

猶謁斯廟為銅馬劉神寺 卷十第十六葉

箋曰謁當作謂按隸釋載此文作揭

其水與隅醴通為衡津 卷十第十六葉

隅當作渴寰宇記邢州龍岡縣下云隅水一名澧水說

文音隅師古音耦

其一水北出逕縣故城西 卷十第十七葉

逕縣當作經縣郡國志經屬安平國地理志堂陽縣下

云嘗分涇縣即經縣也

蓋變引葭之名也 卷十第十七葉

引葭漢書地理志作列葭

今於故縣城南 卷十第十七葉

故縣二字當倒互

長蘆水又東逕九門波 卷十第十七葉

箋曰謝云宋本作坡一作城按通鑑註引此文作九門

陂一統志九門故城在藁城縣西北本戰國時趙邑漢

置九門縣屬常山郡後漢至晉因之後魏徙常山郡治

此北齊縣廢陂在縣境故即縣以名之

又東逕扶都縣故城南 卷十第十七葉

漢書地理志信都國有扶柳縣都字誤

封寇恂子楫為侯國 卷十第十七葉

楫後漢書作損

城南有獻帝南巡碑 卷十第十七葉

是後魏獻文帝落文字

及北流 卷十第十八葉

及當作又

屈逕陳餘壘而 卷十第十九葉

而當作西

王莽更之曰申苗者也 卷十第十九葉

漢書地理志作暢苗申字誤

白渠水又東南逕開縣故城北 卷十第十九葉

漢書地理志常山郡有關縣方輿紀要以為即春秋之
欒也哀公四年齊國夏伐晉取欒蓋欒武子之封邑矣
漢以為關縣建武中以張況為常山關長即斯縣也開
字誤

封許瘳為侯國 卷十第十九葉

瘳史記侯表作瘳

昔漸離擊筑傳工

卷十第十九葉

當作高漸離落高字傳工當作傭工史記校正

有武亭

卷十第二十葉

當作敬武亭落敬字

白渠又東

卷十第二十葉

白渠下落水字

地理志曰大白渠東至曲陽入淩河者也

卷十第二十葉

班志原文是東南至下曲陽入斯淩河今補三字

於藁縣之烏子堰

卷十第二十葉

漢書地理志真定國有藁城縣落城字

白渠泝水又東逕曲陽城北

卷十第二十一葉

泝當作枝曲陽上落下字此是鉅鹿之屬縣

尋求父老不得

卷十第二十二葉

父老何焯校改老父

透迤東北注謂之九爭

卷十第二十二葉

九崢之名亦見濡水注此水透迤屈曲似之故同其稱

當从山作崢

列葭水注也

卷十第二十二葉

也當作之方輿紀要校

淵之西南之側水有武強縣故治

卷十第二十三葉

西南下之字衍文

俗名之東相 卷十第二十三葉

名之下落曰字吳瑄本校增

別出北 卷十第二十三葉

注云衡漳於縣無別出之瀆北下落瀆字

縣北者 卷十第二十三葉

縣上落出字

溝水自始決水也 卷十第二十三葉

箋曰始宋本作此按溝水當作瀆水即虜沱故瀆也下水字當作入

魚釣隱身 卷十第二十四葉

魚劉昭郡國志補註引決錄注作漁

舊溝又東逕脩市縣故城北 卷十第二十四葉

溝當作瀆

循縣 卷十第二十五葉

漢書地理志勃海郡有脩縣應劭曰音條循字誤下竝同

分爲二川北逕弓高城西 卷十第二十五葉

分爲二句 下落一字孫潛校增

謂之陽決口 卷十第二十五葉

決當作津

樂成縣故城南 卷十第二十五葉

樂成兩漢為河間國治至桓帝始加陵字此文尚仍舊稱說見下

漢文帝別為國 卷十第二十五葉

漢文帝下黃省曾本有二年字考漢志良是

漢宣帝封子開於此 卷十第二十五葉

宣帝是章帝之誤

故加陵曰樂陵也 卷十第二十五葉

金氏云此三字縣也是水經特筆以見縣本以樂成陵

三字結名與史志可參異同陰溝水篇有樂成陵令許

嬰碑

衡津又東逕建成縣故城南 卷十第二十六葉

津當作漳

衡漳又東右會楊津溝水 卷十第二十六葉

楊當作陽

自澤水東逕阜城南 卷十第二十六葉

澤水吳瑄本作枝水亦誤當作溝即陽津溝也

王莽更名吾城者 卷十第二十六葉

者下落也字

又東北入清河 卷十第二十六葉

入胡渭校改合

東北注之 卷十第二十六葉

東北上落淨水二字全氏校補

東北逕參后亭 卷十第二十六葉

漢書地理志勃海郡有參戶縣后字誤下同

清漳亂流而東注于海 卷十第二十七葉

清漳上落與字

清漳水

大龍谷 卷十第二十七葉

龜字誤當作雙漢書地理志北地郡有大雙縣師古曰

雙即古要字是注亦云大要谷可互證也

清漳出揭戾山 卷十第二十七葉

揭當作謁

舊名清漳縣 卷十第二十七葉

縣字衍文

東南注南水 卷十第二十七葉

注下落于字方輿紀要校增

訪梁榆之虛郭 卷十第二十七葉

箋曰謝云宋本作虛郭按寰宇記是郭字通鑑註引此

文同

桓亦云 卷十第二十七葉

箋曰桓字誤似是松字謂袁松也全氏云非也蓋是袁豹

漳水於此有涉之稱名因地變也 卷十第二十八葉

寰宇記引此文作有涉河之稱蓋名因地變也增二字

水經注箋刊誤卷四終

海甯錢保塘
華陽吳祖椿覆校

十六

